

讀書
雜
識

讀書雜識卷第六

仁和勞格著

歸安丁寶書述

賈逵國語注

汪輯本
失采

秦聚也

文選三十一袁陽源効
曹子建樂府白馬篇注

若未晚矣

文選三十一
江文通雜體

詩注

孝經鄭注

嚴輯本
失采

孝經曰從父之令焉得為孝乎鄭玄曰委曲從君父之令

善只為善惡只為惡又焉得為忠臣孝子乎

臣軌上匡
諫章注

孝經曰子不可以不諍於父臣不可以不諍於君鄭玄曰

君父有不義臣子不諫諍則亡國破家之道也

同上

論語鄭注

古訓本無

論語曰孝悌也者其為人之本歟鄭玄曰言人有其本性

則成功立行也

臣軌上至忠章注

論語曰危而不持顛而不扶

則將焉用彼相矣鄭玄曰相扶工者也

臣軌上匡諫章注

孔子

曰人而無信不知其可鄭玄曰不知其可者言不可行也

臣軌下誠信章注

大車無輓小車無軌其何以行之哉鄭玄曰

大車栢車小車羊車輓穿轅端著之軌因轅端節之

以下十五

字古無車待輓軌而行猶人之行不可無信也

同上

子貢問

政子曰足食足兵人信之矣鄭玄曰政有此三者則國強

也

同上

子貢曰

至

人無信不立鄭玄曰言人所特急者食

也自古皆有死必不得已食又可去也

同上

劉道真錢塘記

輯本

防海大塘在縣東去邑一里往時郡議曹華信家富乃議

立此塘以防海水始開幕有能運土石一斛卽與錢一升

范作

旬日之間來者雲集塘未成而謫不復取土於是載

土石者棄置而去塘以之成既遏絕潮源一境蒙利

太平御覽

七十四

後漢書朱雋傳注節引

縣本名泉亭於是改錢塘百姓懷德立

碑塘所

事類賦十

靈隱山北有石穴傍入行數十步有清流

水廣丈餘昔有人採鍾乳水際見異迹或云是龍迹聞穴

裏隆隆有聲便出不測所採近遠

御覽九百八十七

臨平山在

縣東周四十五里山弦石遠近資用鑿穴傍入深至數十

丈

原本北堂書鈔一百五十八

靈隱山四布似蓮花中央夾生穀樹

甚高大

御覽九百六十

靈隱山穀樹樹下生莪鬱茂若沃土所

生

御覽九百九十七

石姥山有一石甌厥狀殊似居絕嶺之巔

大數十圍下有三石足支之

御覽四十六

縣西有姥山絕嶺

之上有石甌一人搖之輒動縱使千百人引之與一人不

異

御覽七百五十七

明聖湖在縣南去縣三里父老相傳有金

牛時見神化莫測故以明聖垂名

御覽六十六

去邑十里有

詔息湖故老相傳昔秦始皇巡狩經塗暫憩因以詔息爲

名

同上

縣東南有峴山長老相傳採金於此

御覽八百十一

咸淳臨安志

五十

劉道真一本作真道宋元嘉十三年

文帝遣揚州治中從事巡行上表曰錢唐令劉道真餘杭令劉道錫爲二邦之首最治民之良宰文帝嘉之

晉公卿禮秩

校

御覽

七百七十三

晉公卿禮秩安平王孚齊王攸梁王彤給青

蓋車達九旒駕四馬太常何曾太傅楊駿梁王彤乘車入殿依漢田千秋故事光祿魏館軺車施黑孚薨葬給徘徊黑耳車一乘諸王及縣主皆給青徘徊車花爪蓋孤李降給雲母陽遂車一乘犢車二十乘鹿車五十乘案達九

當作建九太常當作太宰魏館當作魏舒孤李當作孫
秀陽遂當作陽燧以意校

庾開府集

哀江南賦序云新野有生祠之廟河南有胡書之碣 吳
兆宜箋新野河南廟碣必庾氏先世事今無考格案元
和姓纂六庾會爲新野太守百姓爲之立祠支孫庾告
雲爲青州刺史羌胡爲之立碑吳注失考

古文苑 校

宋玉笛賦

奇篠異幹

文選南都賦薛注引作奇篠

董仲舒七不遇賦

若不返身於素業兮

不字据文選任彥昇爲范

尚書讀史部封
侯第一表注補

七
雍州收箴 自彼互羌當作羌

東觀箴 在彈奮矯而戮彼逢干疑左強考史記日者傳

侍中箴 暉彼宗夷用肆其虐疑榮夷

城門校尉箴 國有城溝家有柝柙各有攸堅民以不

虞疑攸堅詩假樂攸堅是也

八
桐柏廟碑 遣行承事疑遣丞行事後漢書西域傳西域長史索班稱行事

九
漢金城太守殷君碑 其艾檐輪旌顯才良其艾疑貝艾御覽八

百七引相貝經曰有青地綠文謂之綬貝蔡中郎集五光武濟陽宮碑銀艾封侯

劉駒駱集

隋書經籍志別集後漢書校書郎劉駒駘集一卷 集佚逸

句見北堂書鈔文選注等書又藝文類聚產業部有劉駒

駘上書諫鑄錢事案此是劉陶之誤與後漢書劉陶傳

文相同惟節去數句及字句稍異耳當改正

陳琳集補据各書節引

大荒賦韻補云魏人有文集九卷在建安諸子中字學最勝大荒賦幾三千言用韻極奇古尤為難知

武庫賦韻補案當作武軍為是抱朴子外篇云等稱征伐而出車六月之作何如陳琳武軍之壯

乎車渠碗賦韻補武帝以車渠為酒杯古今注曰魏柳賦文選注二

學記二十入韻補悼龜賦韻補荅客難同上韋端碑文選注

北史廣平王懷傳校補

崔豹古今注

獸十

北史後魏廣平王懷嘗獵於河北馬場

間逐一麀入草命人圍遶將自射之田已先經燬不見其
出遂失麀所在惟有埽塔存焉懷乃悵然動仁恕之心解
鷹放犬遂不復獵 今本懷傳已缺

華陽國志

校補

太平御覽六十張翥字子陽巴郡人爲平陰郡布衣蔬食儉以化
民自乘二馬之官久之一馬死一馬病翥曰吾將步行矣
夷漢甚安其惠愛在官十九年卒百姓號慕送葬者千數
天子嗟歎賜錢十萬爲立祠堂後太守數煩擾夷人叛亂
翥子端方察孝廉天子起家拜越嶲太守迎者如雲 案

華陽國志 三 越嶲郡上脫一葉僅存九字

陳囂

虞預會稽典錄陳囂山陰人宗正劉向黃門侍郎揚雄薦囂待義可厲薄俗孝成皇帝特以公車徵囂時已年七十每朝請上常待以師傅之禮御覽四百七十四陳囂與民紀伯

爲鄰伯夜竊蕃地自益囂見之伺伯去後密拔其蕃一丈以地益伯伯覺之慙惶旣還所侵又却一丈太守周府君

高囂德義刻石旌表其閭號曰義里御覽百五十七會稽典錄

太中大夫山陰陳囂漁則化盜居則讓鄰感侵退藩遂成義理攝養車廼行足厲俗自揚子雲等上書薦之粲然傳

世吳志
傳注

官本東觀漢記校云未審係何時代他書亦無可考編

附於二十一卷

田俅子

韓本 隋書經籍志
梁有田休子一卷

黃帝時有草生於帝庭階若佞臣入朝則草指之名曰屈

軼是以佞人不敢進也

文選王元長
曲水詩序注

少昊氏之時赤燕

一雙

御覽作
銜羽

而飛集少昊氏之戶遺其丹書

藝文類聚
祥瑞部下

堯爲天子冀莢生於庭爲帝成曆也

文選曲水
詩序注

商湯爲

天子都於亳有神手牽白狼口銜金鈎而入湯庭

類聚祥
瑞部下

堯時獲獬豸緝其尾以爲帝帳

御覽八
百九十

渠搜之人服

雜識六

六月河精舍叢鈔

夏禹德獻其珍裘毛出五彩光曜五色 少昊氏都於曲

阜鞬鞬毛人獻其羽裘並御覽六
百九十四

隨巢子輯本 隋書經籍
志隨巢子一卷

大聖之行兼愛萬物疏而不絕賢則欣之不肖則矜之太

御覽四 禹產於碣石啟生於石王韶之云啟生
母即化為石 御覽
百一

一 召人以環絕人以玦又六百
九十二 昔三苗大亂龍生於

廟大哭於市又九
百五 天命夏禹於玄宮有大神人百鳥身

降而福之司祿益富而國家實司命益年而民不夭海錄
碎事

十

王逸正部論輯本 隋書經籍志梁有王逸正
部論八卷後漢侍中王逸撰亡

或問玉符曰赤如雞冠黃如蒸栗白如猪肪黑如純漆玉

之符也

文選四十二與鍾大理書注

易與春秋同經總一機之織經

營天道以成人事

御覽六

屈原宋玉枚乘相如王褒揚

雄班固傅毅灼以揚其藻斐以敷其艷

原本北堂書鈔百

仲尼

門人舖道醇飲道宗

御覽四

顏淵之簞瓢則勝慶封玉

杯何者德行高遠能絕殊也

藝文類聚

或問張騫可謂

名使者歟曰周流絕域東西數萬里其中胡貊皆知其習

俗使還始得大蒜菖蒲苜蓿等

御覽七百七十九

自幽厲禮壞

樂崩天綱弛絕諸侯力攻轉相吞滅德不能懷威不能制

至於赧王遂喪玉斗

又七百六十五

草有元巨暢威熹木有扶

桑梧桐松柏皆受氣瀟美異於羣類者也又九百九十四

索引稱一作王逸正部一作王逸子一作王叔師正部

何校文選正改玉陳同非也

孫綽子

輯本 隋書經籍志 孫子十二卷 孫綽撰

銜轡衡軛無心於馬而所以御馬典籍禮度無心於治而

所為治 典籍文章之言也理出於天辭宣於人並御覽六百八

撫明鏡則好醜之貌可見文選謝靈運晚出西射堂詩注

或問賈誼

不遇漢文將退耕於野乎薄遊於朝乎文選二十七注 或問雅

俗曰判風流正位分涇渭殊流雅鄭異調題帖分明標榜

可觀斯謂之雅俗矣文選三十八注 或問人物曰察虛實審真

偽斷成敗定終始斯可謂之人物矣又莊多寄言渾沌

得宗象罔得珠旨哉言乎又聖賢極其標榜有大力矣

文選四十七注海人與山客辨其方物海人曰橫海有魚額若

華山之頂一吸萬頃之波山客曰鄧林有木圍三萬尋直

上千里傍蔭數國東極有大人斬木爲策短不可杖釣魚

爲鮮不足充餽御覽三百七十七動而不乘不理若汎舟而無

施又七百七十一仲尼見滄海橫流故務爲舟航又七百七十北

阜有木焉名曰時好又九百六十火光明於天者燈燭何施

焉又八百七十

案引稱孫綽子者當以別於兵家之孫子書錄解題云

孫子十卷題晉孫綽興公撰恐依託唐志及中興書目並無之陳氏未及細檢故云爾

鄭康成墓

太平寰宇記

廿四

鄭康成墓在密州高密縣西北十里高士

傳曰

案今本高士傳無此文

袁紹屯兵官渡謂元隨營不得帶病至

魏郡元病篤卒葬於劇東後以墓壞歸葬之礪阜郡守以下綴經者千餘人礪阜在高密城西北五十里唐貞觀十一年詔去墓面十步禁樵採焉 萬正梁郡國志高密縣西有鄭康成宅亦曰鄭城後移葬於礪阜墓側有稻田十萬頃斷水造魚梁歲收億萬號爲疑萬正梁 殷芸小說郭

玄葬城東後墓壞改遷厲阜縣令車子義爲玄起墓亭名

曰昭仁亭

續談助四

案郭是鄭之誤小說此卷並後漢人物

附錄海錄碎事

八

鄭玄與傅嘉同門學相友善注同門謂同

師也

婦人集

婦人集曰沒太子妻李氏爲夫所遣婦與夫書并致安眾

扇兩雙

御覽七百二

案安眾縣屬南陽郡見兩漢志沒當作

汲北戶錄二婦人集汲太子妻李與夫書云致尙書墨

十螺

左輔頓僚西嶽廟中刻石記

開元二十四年十月

刻石記已分裂爲三段碑題年月皆殘泐首行僅存刻石

記三字今据復齋碑錄校補

寶刻叢編十引

文多殘闕難讀締

審記文有云

上缺八字

十月

缺九字

師左馮翊太守魯

缺八字

之

事旬有二日奉迎云云又云自明辟而下逮王公卿士

泊趣馬小

下缺

云云考舊書元宗紀開元二十四年十月

戊申車駕發東都還西京甲子至華州丁丑至自東都

新紀則云十月甲子次華州免供頓州今歲稅賜刺史

縣令中上考丁卯至自東都所記年月與此記正同蓋

是時玄宗自洛陽還長安同州刺史於華州奉迎供頓

故其僚因刻石于西嶽廟中也記所稱左馮翊太守魯

公不詳其姓名考文苑英華

四百三

孫逖授孟溫太子賓

客等制稱金紫光祿大夫使持節同州諸軍事行同州

刺史上柱國魯國公孟溫同州卽馮翊郡時代正合當

卽其人元和姓纂

四十
三映

孟珩居相州十一代孫唐禮部

尙書溫蓋記其所終之官也記所載勾掾功掾馮翊朝

邑澄城河西韓城諸宰尉皆同州屬官俱頓僚也惟碑

錄云李琚八分書石刻則云韓城縣主簿杜繹書微有

不同

孟溫疑卽孟溫禮溫禮事迹詳郎
官石柱題名考主客員外郎下

夢真容碑

開元廿九年六月

夢真容碑後刻博州刺史李成裕奏成裕兩唐書俱無傳

考新書宰相世系表隴西李氏姑臧大房給事中亶子
成裕祕書監舊書李揆傳祕書監贈吏部尙書成裕子
張曲江文集附錄載張九齡授洪州刺史制稱大中大
夫前行尙書都官郎中上柱國始疑姑臧縣開國子李成
裕體仁以善率禮以訓守官闕以獨茂履忠信而不騫
可使持節金州諸軍事守金州刺史散官勳封如故末
署開元十五年三月十三日則在博州刺史之前又舊
書禮儀志四天寶十載正月宗正少卿李成裕祭北嶽
安天王大唐郊祀錄同厯官始末大略可考者如此又据成裕
奏請於開元觀具寫綸言勒於貞石諸州亦望准此云

云知當時諸州俱刻此勅赤城志四載台州天慶觀有

唐開元眞容應見碑開元二十九年立後題朝散大夫

使持節臨海郡諸軍事守臨海郡太守賈長源亦其一

証今所存者僅此爾蓋屋本系後人重摸今不數

大唐嵩陽觀紀聖德感應頌天寶三載二月

感應頌題額者裴迥兩書無傳結銜稱太中大夫守河南

尹河南水陸運使上柱國賜紫金魚袋兼東京留守判

留司尙書省事考李華唐故東光縣主神道碑銘少子

德位兼盛曰迥今河南尹兼東都留守上柱國唐文粹五十五

結銜與此正合舊史良吏傳天寶中長史裴迥委洛陽

尉蔣沈以推覆檢勾之任新書地理志河南伊水有石
堰天寶十載尹裴迥置蓋卽其人又新書紀王慎傳女
東光縣主適太子司議郎裴仲將碑云聞喜公不書名則是迥之
父宰相世系表不載此枝當以是房無入相者故耳錢
少詹事跋尾引本紀天寶三載二月河南尹裴敦復討
吳令光云未審迥與敦復卽一人否今考敦復開元十
二年將帥科及第累官考功員外郎檢校吏部郎中中
書舍人陳留太守河南尹刑部尙書嶺南五府經畧等
使貶淄川太守天寶六載爲羅希夷所殺詳見郎官石
柱題名考王氏疑此碑立於二月五日而敦復討吳令

光在二月丁丑推長厯二乙丑朔丁丑是十三日其時
敦復尙任河南尹而此已云裴迥案敦復時已去任特
未落下河南尹結銜耳文苑英華載孫逖授裴敦復刑
部尙書制亦稱河南尹是其證也

宣州刺史陶府君德政碑

寶刻類編二 宣州刺史陶大舉德政碑僧靈廓撰陶德甄
書永昌元年二月十三日立 輿地碑記目一 陶府君大
舉德政碑在太平州當塗縣東六十里丹陽鎮南之禪那
院乃唐僧所撰永昌元年己丑建碑今存 集古錄跋尾
五 陶雲德政碑雲字大舉河南伊闕人高宗時爲恆州刺

史碑永淳三年立 案叢編六引錄目同則雲卽大舉特
是時以字行爾陶君厯刺十二州位望通顯恆州宣州
皆碑頌德政顧舊新書俱不爲立傳何耶碑載君在宣
州有禦亂之勲而碑文殘缺不見亂者姓名以時地考
之當指徐敬業又金石錄目錄五第九百五十一唐懷
州刺史陶大舉碑姚崇撰徐嶠之正書開元八年類編引同
蓋卽其所終之官也

鄭準墓誌銘

大和四年八月

唐故右內率府兵曹鄭準墓誌銘潁川陳齊之撰準字□
道其先滎陽人曾王父璿河南少尹王父溥尙書右部

郎中厯青邢相衛寃幽懷七州刺史入爲左庶子皇考
華駕部郎中吉州刺史準子宗儒宗韞宗慶宗遜一子
奉釋氏教名曰宏直考宰相世系表璿官河南少尹子
溥左庶子平吉州刺史溥子華太常博士失書準名又
所載官位亦微有不合皆當以此爲正此誌歐趙諸家
皆不著錄惟古刻叢鈔錄有全文相與比校間有不同
如而未嘗滑其□石刻無而字其名曰宏直無其字鳴
呼作嗟乎權寔作權葬有女二人作有女三人請文於
余作請余於文又叢鈔僅缺十四字今則殘缺者廿三
字漫漶者十一字然如叔季之季字卽以是年之卽字

叢鈔已缺今則字甚完好疑是覆本也唐書職官志有右司郎中無右部郎中此誌右部當是有司之誤然叢鈔亦作右部殊可疑也

東林寺題名

昇元三年

朝議郎檢校兵部尚書賜紫金魚袋上黨郡公食邑一千戶景迢自京城隨侍伯父江上歸郡獲從家兄桂陽郡公訪諸絕景時春林鬪芳晚雨新霽躡步忘倦塵心頓清竟日方還故絕於此昇元三年太歲己亥三月二十三日書景迢當姓徐非姓景也江上當作江王陸游南唐書烈祖本紀昇元元年十月丁亥封弟知證爲江王又徐知

證廬山太乙真人廟記云予撫江民之五稔後有昇元三年云云則昇元初元鎮江州者正是知證知證弟爲

知謬此云伯父江王則當是知謬之子

傳僅云十桂陽子皆貴顯

郡公名景邈

烈祖本紀昇元元年十一月丁巳立姪景邈爲桂陽郡公

南唐書失載

景迢名故此遂以爲景姓耳又南唐書知證事吳厯州

刺史至節度使烈祖初王江改王魏不書所厯方鎮据

此則昇元初鎮江州又廟記末云予再任宣州之二載

是時昇元六禩歲在壬寅秋七月有六日給銜稱應運

匡國佐聖功臣寧國軍節度宣州營田觀察處置等使

特進檢校太尉兼中書令使持節宣州諸軍宣州刺

史上柱國食邑一萬戶韓王知證記可補南唐書之闕

知證初任宣城當在楊吳時其自江州移宣州當在昇元五年

郭求

元和姓纂

十九

司農郎中懷州刺史郭齊宗曾孫求校書

郎京兆人

唐撫言

二府元落郭求

元和元年

文苑英華

一百

八十

有郭求省試日暖萬年枝詩

重修承旨學士壁記

郭求元和十一年十一月六日自藍田尉史館修撰充八

月遷左拾遺十一月八日出守本官 韋執誼翰林院故

事元和已後郭求藍田尉授集賢校理充拾遺又充出守

本官

翰苑羣書上案壁記年月有誤

新書韋貫之傳韋貫之罷相翰林

學士左拾遺郭求上疏申理詔免求學士

按憲宗紀元和十一年八月壬

寅韋貫之罷

舊文宗紀

下

大和五年九月甲辰貶太子左庶

子郭求爲婺王府司馬以其心疾與同僚忿競也唐會

要

七十

元和二年四月賢良方正能直言極諫科郭球及

第

白居易吟四維詩有云家雖貧猶富於郭庶子注云

分司同官中庶子求貧苦最甚

白氏文集二十九

王右丞集

王維汧陽郡太守王公夫人安喜縣君成氏墓誌銘曾祖

休寧某官祖某某官襲封常山公貳公執帛調護儲闈九

伯剖符典司方岳父某某官漢雄右輔實拜翁歸周命僕

臣惟茲伯罔夫人卽太僕府君之第二女也 長子濡前

某官次子澄某官

文苑英華

九百二十

楊炯唐贈荊州刺史成公

知禮

神道碑

曾祖休寧後魏汾州刺史齊特進左右衛大將軍宇文
朝江州刺史隋城陽郡公諡曰武祖少遐北齊民曹郎
中宇文朝地官上士襲城陽公父君綽隋金紫光祿大
夫唐深州刺史上柱國公襲城陽公歷箕州平城洛州
邯鄲二縣令 長子司衛少卿兼檢校魏州刺史大辨
中子左鷹揚將軍大方少子朝議大夫行司漢主簿大
琬等据知禮碑則成氏誌當有脫文其刺同州官太僕

者未知卽大辨否

河東先生集

河東先生集二十柳宗元故弘農令柳府君墳前石表辭刺

史盧杞加禮褒旌考績絕尤推君之政風於下邑命爲吏

部尙書郎庾河南受命黜陟狀君理績殊異宜升天朝注建

中元年二月命趙贊衛旻洪經綸等十一人分巡天下案命爲吏部句有誤庾河

南疑庾何之誤南字衍新書陸贄傳德宗立遣黜陟使

庾何等十一人行天下

皇甫持正文集

韓文公神道碑 復爲兵部侍郎銓不鎖入吏選父七十

母六十身七十悉與三利取才財勢路絕 考異曰三利

取才未詳其義疑銓法有此語或是有脫誤也王云三

利恐當作書判因版本漫滅致誤唐以書判取士凡試

判登科謂之入等選未滿而試判三條謂之拔萃中者

卽予官公選士專憑書判是爲書判取才以財勢求官

者皆不取是謂財勢路絕以上王格案三利當作三科

三科者拔萃科宏詞科平判入等也三科俱吏部主之

三科亦見東又案悉與二字爲句蓋選人有父年七十

母年六十及已身年七十者悉與注官不復駁放也王

氏誤以悉與屬下三利取才爲句故疑身七十下有闕文

李文公集

昭德先生郡齋讀書志

上四

李翱集十八卷集皆雜文無歌

詩前有蘇舜欽序云唐之文章稱韓柳翱文雖辭不追韓

而理過於柳

洪盤洲集

六十

右李文公集十八卷以唐

藝文志校之多八卷蓋常山宋次道所定也建陽小本獨
多答開元寺僧書一篇亦不著目其辭反復溫潤與他文
相類而集中又有所作鍾銘知其爲習之文昭昭矣既是
正之冠以蘇公序附其傳於後

明

邵武郡守蜀馮師虞刻本前有賜進士出身

通奉大夫廣西等處承宣布政司使布政使王融何宜

序總一十八卷凡一百三首

二首元闕

第九卷

疏數引見待制官間以時事

元注闕

第十二卷

歐陽詹傳

元注闕

第十五卷

馬少監墓誌

有目無文 文苑英華有秘書少監史館修撰馬君墓誌

第十八卷

末有戲贈詩一首毛本退入跋中云鄙拙之甚又於 燈錄載其贈藥山僧一首又韓文

公遠遊聯句亦載一聯俱見毛跋

今本十八卷無答開元寺僧書當卽宋次道定本惟前

無蘇序後無傳知非從洪本錄出

蘇學士文集不載此序

置考判官

選部舊制每歲孟冬以書判選多士至開元十八年乃擇

公廉無私工於文者考校甲乙丙丁科以辨論其品是歲

公受詔與徐安貞王敬從吳鞏裴朮李宙張烜

英華作恆等十

學士參焉凡所

英華究所

升獎皆當時才彥考判之目由此始

也

毘陵集八權徽神道碑

初吏部試判別差考判官三人校能否

元和初罷之七年吏部尙書鄭餘慶以疾請告乃復置考

判官以兵部員外郎韋顓屯田員外郎張仲素太學博士

陸亘爲之楊於陵自東都來言曰本司考判自當公心非

次置官不知曹內公事考官祇論判之能否不計闕員本

司祇計員闕幾何定其留放置官不便宰執以已置顓等

祇令考科目選人其餘常調委本司自考

舊書楊於陵傳

堂印

遼史國語解堂印博采之名劉攽漢官儀李清照打馬圖
皆有堂印杭堇浦云堂印不獨爲契丹語格案唐時已
有之唐語林六李程謂李石曰汝向忙鬧時把唐印將
去又玉泉子鳳翔從事以骰子祝夏侯孜王生曰二秀
才若俱得登第當擲堂印舊書杜讓能傳崔紹緯鄭延
昌喪堂印公服故博采家因謂重四爲堂印

文苑英華辨證補

百七唐太宗餞中書侍郎來濟詩 舊來濟傳永徽二年

拜中書侍郎

都穆跋云
宋之問詩

三百五十九 歐陽詹唐天志云貞元七年清河張公式爲冬官

之五年 彭云式川文作或刊本文集亦作或案或當

作或工部侍郎張彧見通鑑唐紀四十八貞元二年攷權載

之文集四十祭故呂給事文張式於貞元九年官尚書

駕部郎中知制誥舊書鄭餘慶傳張彧貞元十三年官

刑部郎中

三百八十八 授韓滉戶部侍郎制 蒙上孫逖韋濟制作前人

誤案舊書韓滉傳大厯六年自尚書右丞知兵六年改

戶部侍郎判度支舊文施傳孫逖上元中卒前人二字

衍

三百九十二 賈至授柏庭昌憲部員外郎制稱監察御史柏庭

昌 案柏當作桓新書宰相世系表桓氏京兆尹臣範

子庭昌刑部郎中

三百九十七 孫逖授武三思鴻臚卿制金紫光祿大夫行國子

祭酒武三思 全文九百六十二校云逖知制在開元二十

四年時三思久誅新舊書亦不載三思官鴻臚卿題與

撰人必有一誤今存疑編入闕名格案思當作忠三字

衍舊書后妃傳上元宗貴順皇后武氏同母弟忠累遷

國子祭酒新傳同新書宰相世系表武昕忠鴻臚卿元和姓纂

同昕當是忠兄表誤合一人姓纂單作忠歷官與此制正合

四 百 蘇頲授楊嶠國子祭酒制魏州刺史上柱國北平縣開
國子楊嶠 案楊當作陽新陽嶠傳其先北平人世徙
洛陽北齊尚書右僕射休之四世孫再爲魏州刺史入
爲國子祭酒

四 百 三 孫逖授盧詢太子詹事制稱太中大夫使持節華州
諸軍事守華州刺史上柱國盧詢可太子詹事員外置
同正員 彭云詢當作綸下同格案詢綸二字俱誤當
作絢新書上 李林甫傳帝愛兵部侍郎盧絢醞籍稱
美之林甫因出爲華州刺史俄授太子員外詹事絢由
是廢事跡正合

四百三十三 安養百姓及諸改革制云其中岳等三方典禮猶

闕朕以眇身 顧澗濱云猶闕下有脫文朕上脫去題

目是別一篇誤連十年前在文局讀得今記於此道光

乙酉八月思適居士書

四百五十三 授李燧總曰平盧軍節度使制玉堂遺範新肅傲傳

宣宗以李璡爲嶺南節度使倣封還詔書資治通鑑唐紀

六十 大中十二年五月以右金吾大將軍李燧爲嶺南

節度使給事中蕭倣封還詔書考異曰此出東觀奏記不知何時按實錄大中

十二年四月李璡自司農卿爲右金吾大將軍蓋於此除也 格案李燧奏記作李璡

明本考異亦作李璡李璡當是宣宗時人

又

授王安實天雄軍節度使制正議大夫前守右金吾將

軍上柱國太原縣開國男食邑三百戶賜紫金魚袋王

安實可起復忠武將軍守

一本脫

金吾衛將軍兼秦州刺

史御史大夫充天雄軍節度秦州

一本城誤

河渭等州營田

觀察處置等使散官勳賜如故

案安實當作晏實資

治通鑑

唐紀十六

咸通四年二月置天雄軍於秦州以成

河渭三州隸焉以前左金吾將軍王晏實為天雄觀察

使新書王晏宰傳子晏實祖智興自養之故名與諸父

齒劉稹平擢淄州刺史終天雄節度使

又

授鄭涯山南東道節度使制有云屢解交於都座兼尹

正於二原 彭云交字疑格案漢官儀漢制八座丞郎

初拜並集都座交禮遷又解交御覽二百十三引晉書職官志

宋書並同又云今惟八座解交丞郎不復解交

四百六 常袞答元和南省請上徽一作號表尾注元和十四年

常袞卒於建中四年正月見舊書當改入憲宗

四百六 常袞太皇太后顏真卿賀肅宗卽位表 常袞寶應

二年始選爲翰林學士見舊書案顏魯公文集二不載

常袞名全文四百十五常袞文亦誤載七十元宗文已載當

校併

又魏知古答張九齡賀西幸延期表 舊書開元三年魏

知古卒此非知古文案唐丞相曲江張先生文集三十亦

不載知古名少前首五字全文三十元宗文已載又百

三十魏知古文誤載當校併

五百九十七良士代韋令公謝先人贈官表 表云贈臣父

尙書右丞司農卿先臣某揚州大都督此是韋玢元甫父

見郎官石柱題名考中左全文良士無考案舊房式傳劉

闢反高崇文至成都房式王良士崔從盧士玖等白衣

麻躡銜土請罪崇文寬禮之表其狀末云彷彿海隅是

韋元甫無疑本是二首一脫其文一脫其目耳

六百裴度李大夫請朝覲表裴度集無 李大夫未詳何人表

云始事憲宗過蒙駟策復事先帝猥加爵命又云起在山南不遠甸服又云李光顏薛平皆武臣也淮海以爲要重然猶邈迤而至述職明庭臣儒臣也梁漢無事道途孔邇考舊書裴度傳穆宗時裴度出爲山南西道節度使長慶四年復兼同平章事實厯元年十一月度疏請入覲京師明年正月度至則鎮山南者卽是裴度此表當是人代裴度作者故度集無之英華誤

又

呂頌爲張侍郎乞入覲表

德宗時任黔府觀察使

略云貞元五年

於延英殿賜面辭之曰親奉進止令臣一考卽來者又云自到黔中首末三年更入新正卽及四載案張侍

郎名無考舊德宗紀亦不載其名据再請入覲表云近

日已來楊

或作暢案暢是

悅孫成李速裴腆皆在遐裔相次喪

亡李速於貞元五年觀察黔中則張當卽繼李速之任

者然考英華

五百八十五

呂頌黔州刺史謝上表云去年某

月日恩勅授臣使持節都督黔州諸軍事守黔州刺史

兼御史中丞

類表大夫

今年某月日到所部上訖又權載之

文集

四十

祭故呂給事文不著頌名案其事迹與謝上

表正合有云出領符竹澄清遠部夕拜黃扉昭宣王度

前署貞元九年正月則頌拜黔中當在九年之前考舊

德宗紀貞元五年三月以大理卿李速爲黔州刺史黔

中觀察使八年五月戊午以光祿少卿崔穆爲黔州觀察使据再請表則李速當卽於五年喪亡而呂頌卽繼其任當亦在五年至頌入拜給事而崔穆代之則當在八年自貞元五年至八年首末正得四年中間不容又有張侍郎其人爲張侍郎四字當是衍文英華於此類誤謬甚多如柳冕青帥乞朝覲表裴度李大夫乞朝覲表之類不可盡依

六百三十八 裴冕舉杭州刺史韋臯自代狀 臣在福建與韋臯鄰近諳其爲政甚得人心逃亡悉歸遠近皆悅頃在京兆以公造出官今領餘杭以理行高第云云豈裴冕

曾爲福建觀察使耶然攷舊書韋臯傳不云刺杭州攷
韓臯傳貞元十四年自京兆尹貶撫州司馬員外置同
正員無幾移杭州刺史與狀文正合知韋臯是韓臯之
誤又舊柳冕傳出爲婺州刺史貞元十三年兼御史中
丞福州刺史充福建都團練觀察使時正相接則裴冕
當作柳冕

八百一 顧況湖州刺史廳壁記云泊于嶼大夫作塘貯水溉

田三千頃今使君辭也唐景皇帝七代

一有孫先公尙
之字

書先公大夫奕葉之助

一作勳

有功於民公實嗣之 案

三千頃下今使君上文義不屬當有脫文下文云天王

褒拔于公陟襄陽節度李公陟當道觀察統諸道鹽鐵
轉運二牧旣陟唯公盤桓云云今記上文僅述于頔無
李公名攷吳興志湖州刺史于頔後有劉全白王浦李
錡李詞諸人攷舊書李錡傳貞元中累至湖杭二州刺
史多以寶貨賂李齊運由是遷潤州刺史兼鹽鐵使記
所云李公當卽李錡則三千頃下蓋述李錡政蹟疑因
錡以反誅故刊去其文爾唐文粹七十
三與英華同新書宰相世系
表上大鄭王房有太子賓客守散騎常侍詞于太祖正
七代孫卽記所稱使君辭也詞高祖臨川郡公刑部尙
書德懋父司農卿諡曰敬亦與記文先公尙書先公大

夫語合又舊書李齊運傳薦李錡爲漸西觀察使受賂數十萬計舉李詞爲湖州刺史旣而邑人告其贓犯上以齊運故不問而遣之吳興志李詞正元十六年自萬年縣令授遷光祿少卿統記作十四年案記末署貞元十五年十二月哉生魄統記是

八百九 韋表微翰林學士院新樓記有云夏四月中書鄭舍人駕部郎中皆以鴻文碩學爲侍講學士 案重修承旨學士壁記大和元年四月二十三日鄭澣自中書舍人許康佐自度支郎中改駕部郎中充侍講學士此記郎中上脫許字

八百五十九 李華台州乾元國清寺碑 碑云盈川非古邑也

襟束江山因而城之則此寺當在盈川案舊書地理志

台州無盈川縣惟如意元年析衢州龍丘置盈川縣

新志

同又云元又元和郡縣圖志二十分信安龍邱兩縣置

和七年省

不云曾屬台州則此台州當作衢州

讀書雜識卷第七

仁和勞格著

歸安丁寶書述

孔子弟子考補

劉給事文集二有改瑕邱伯叔仲會爲寧陽伯仲邱伯公
西輿如爲北鄉伯制畧云夫子道爲百世師今從祀弟子
封爵之地乃斥其名於爾安乎爰命封論悉加改訂以稱
朕尊仰之意 曝書亭集孔子弟子考失載改封事當据
補

特勤

雙溪醉隱集二 凱樂歌詞曲取和林注和林城苾伽可汗

之故地也歲乙未聖朝太宗皇帝城此起萬安宮城西北
七十里有苾伽可汗宮城遺址城東北七里有唐明皇
開元壬申御製御書闕特勤碑按唐史突厥傳闕特勤骨
咄祿可汗之子苾伽可汗之弟也名闕可汗之子弟謂之
特勒開元十九年闕特勤卒詔金吾將軍張去逸都官郎
中呂向齋璽書使北弔祭并爲立碑上自爲文別立祠廟
刻石爲像其像迄今存焉其碑額及碑文特勒皆是殷勤
之勤字唐新舊史凡書特勒皆作銜勒之勒字誤也諸突
厥部之遺俗猶呼其可汗之子弟爲特勒特謹字也則與

碑文符矣碑云特勤苾伽可汙之令弟也可汙猶朕之子也唐新舊史並作毗伽可汙勒苾二字當以碑文爲正

校聞人詮本唐書間有作特勤字張長遜傳號爲割利

特勤

官本改勒

新書則作特勒

水經注

水經注潢水東逕應城南故應鄉也應侯之國詩所謂應侯順德者也又南逕應城西地理志曰故父城縣之應鄉也周武王封其弟爲侯國應劭曰韓詩外傳稱周成王與弟戲以桐葉爲圭曰吾以封汝周公曰天子無戲言王乃應時而封故曰應侯鄉亦曰應鄉按呂氏春秋云成王以

桐葉爲圭封叔虞非應侯也汲郡古文殷時已有應國非

成王矣趙云呂氏下是臣瓚說見漢志注師古曰武王之弟自封應國非桐圭之事應氏之說蓋失之焉又

據左氏傳云邢晉應韓武之穆則應侯武王之子又與志說不同案以應侯爲成王弟

是韓詩說御覽封建部二引陳留風俗傳曰周成王戲其弟

桐葉之封周公曰君無二言遂封之於唐唐侯常慎其

德其詩曰媚茲一人唐侯慎德是也唐字當係後人妄

改然考續漢書郡國志潁川郡父城縣有應鄉杜預左氏傳集

解應國在襄陽城父縣西南後漢書馮異傳注引杜注作襄城城父不屬陳留當考

魏書

三國志夏侯玄魏畧曰玄自從西還不交人事不畜華妍

文房四譜一引作不畜筆硯當据改

魏書

荀彧世語寓名見顯著子羽嗣位至尙書世說新

語

下之

排調注引寓作寓顯著作頭責當据改子羽下

五字疑衍

太平御覽二百六十五

三國典畧曰梁李膺字公胤廣漢人也西昌

侯藻爲益州以爲主簿使至建昌梁武悅之謂曰卿何如

昔日李膺對曰勝問其故對曰昔事桓靈之主今逢堯舜

之君梁武嘉其對以如意擊席者久之

又二百六十三

魏志

曰

蒙上魏志作又曰

李膺自蜀使至都武帝悅之謂曰今李膺

何如昔對曰今勝昔問其故對曰昔事桓靈之主今逢

堯舜之君帝嘉其對以如意擊席者久之乃以爲益州
別駕案魏志二字誤

御覽七百四十四

晉中興書紀瞻字士遠爲鎮東

疑脫琊琊二字

王左長

史丹陽宣城新安三郡中正王常幸瞻家同乘而還府瞻
甚見遇鄉郡榮之士遠晉書誤思遠

董昆

董昆字文通餘姚人清約守貧并日而炊茹荼不獻

北堂書鈔

三十八引會稽先賢贊

少遊學師事顧川荀季卿受春秋治律令明

達理法又才能撥煩縣長潘松署功曹史刺史盧孟行部
垂念冤結松以孟明察於法令轉署崑爲獄吏孟到崑斷

正刑法甚得其平孟問崑本學律令所師爲誰崑對事荀

季卿孟曰史與刺史同師孟又問崑從何職爲獄吏松具

以實對孟歎曰刺史學律猶不及崑召之署文學太平御覽六百

三十八引建初三年遷廷尉持法清峻一作閉門不發私

書北堂書鈔三十補大司農帑藏逐有脫坐無完席書鈔三十

先賢傳

周齊防戍城鎮考

熊和 三州庾信大將軍崔詵神道碑除使持節大將軍

州黃蘆至木棚一十戍崇德至通谷十三防熊和忠愍作三

三州當從周書作熊和中三州案隋志後周時宜陽曰

熊州陸渾曰和州新安當屬崇德防周書武帝紀天和

置中州皆在河南郡雄州四年九月辛卯遣

柱國齊國公憲率眾於宜陽築崇德等城
隋書李穆傳
天和十一年中持節緩集東境築武申旦郭慈澗崇德安民交城
等諸當屬安義防周書劉雄傳天和四年從齊建中

鎮熊州安義防公憲出宜陽築安義等城
建中

防中州九曲防周書韋祐傳大統九年拜車騎大將軍儀
州九曲防同三司鎮九曲城魏玄傳大統十六年

率弘農九曲孔城伏流四城士馬討平雍方雋
裴鴻傳
保定末出為中州刺史九曲城主通典河南府壽安縣

有九曲城所安樂防周書明帝紀二年遣寧蜀公
三
謂九河也

泉防和伏流防周書魏玄傳大統十三年與開府李義
州和伏流防孫攻拔伏流城又勉孔城即與義孫鎮

之尋移鎮伏流韋祐傳與李延孫并勢置柵於伏流
武帝紀保定二年於伏流城置和州魏玄傳天和四年

轉和州刺史伏流防主隋書地理志河南郡陸渾縣
東魏置伊川郡領南陸渾縣開皇初郡廢改縣曰伏流

周張防平泉防固安防蠻口防原脫一字通谷

防黃蘆戍起谷戍王晏戍供超戍牽羊戍

防黃蘆戍起谷戍王晏戍供超戍牽羊戍

温狐戍 交河戍 大嶺戍 避雨戍 木柵戍 中州白

超防 周書魏玄傳天和二年除白超 通洛防 周書武帝紀保

定五年十月辛亥改函谷關城為通洛防 隋書李穆傳

大司空奉詔築通洛城 周書賀若敦傳保定五年除中

儀同三司通洛慈澗防主邵州刺史任城縣男 慈澗

防 隋書地理志河南郡壽安縣後魏置 同軌防 武申

鎮旦鄂鎮 安民鎮 交城鎮 鹿盧鎮 孔城防 周書

魏玄傳大統十三年與開府李義孫攻拔伏流城又剋孔

城即與義孫鎮之尋移鎮伏流 裴寬傳除孔城城主大

統十六年遷河南郡守仍鎮孔城 武帝紀天和四年八

月庚辰盜殺孔城防主以其地入齊 通鑑音註魏收志

漢晉河南新城縣後魏置新城郡治孔城其地在隋河南

郡伊闕縣界 通典河南府壽安縣高齊置孔城防以備

周在今 州勳樂昌防 州勳胡營防 州勳新城防 柏壁城

縣東南 州勳樂昌防 州勳胡營防 州勳新城防 柏壁城

永寧防

相里防

河雞鳴防

周書武帝紀建德六年六月癸亥於河州雞鳴

防置旭州

隋書地理志臨洮郡

甘松防

周紀甘松防

洮源縣後周置曰金城并立旭州

甘松防置芳州元

和郡縣志周明帝武成中西逐諸戎始有其地乃於三交

日策城置甘松防武帝建德中改為芳州隋書地理志

同昌郡封德縣後

廣川防

周紀廣川防置弘州隋書

周置又立芳州

廣川防

地理志臨洮郡歸政縣後周

立弘

壘川防

隋書元景山傳周時累遷儀同三司賜爵文昌縣公授壘川防主

平業

續漢書劉昭序叔駿之書是謂十典矜緩殺青竟亦不成

二子平業俱稱麗富

平業孫

星衍

改平業云二子司馬

彪華嶠也平業八志十典也

續古文苑十一

格案平業當作卒

業

卒別作平因誤作平

見晉書華嶠傳

沈仁偉

元和姓纂

四十卷

浙東觀察澤潞節度沈詢生仁偉

原誤

進

士吳興武康縣人

北夢瑣言

五

沈詢子

原誤

仁偉官至

丞郎人物酷似先德所謂世濟其美

劉崇望授中書舍

人崔凝右補闕沈文

總目

仁偉並守本官充翰林學士制三

代絲綸一門冠蓋不墜其業者伊文偉有之墨鈔詞芬策

名試第謙無矜物敏以適時

文苑英華三百八十四

益州名畫錄

上僖宗皇帝幸蜀回鑾之日蜀民奏請留寫御容於大聖

慈寺宣令常重盾中和院上壁及寫隨駕文武臣寮真殿

上御容前寫翰林學士中書舍人沈仁偉

案此湖州志

人物傳未載

李翊李珣

新書李訓傳大和八年十月李仲言遷周易博士兼翰林
侍講學士於是諫議大夫李珣等共劾仲言檢人天下共
知不宜在左右帝不聽舊文宗紀下大和九年十一月
戊辰以給事中李翊爲御史中丞唐會要十六開成元年
五月上御紫宸殿宰相李固言奏曰御史中丞李珣在臺
雖無甚過以爲人疏易不稱此官此官乃天下紀綱有司
繩準苟用人非當則紊亂典章上曰李珣官業應不甚舉
然爲人豈不長厚耶固言對曰臣所奏緣與御史中丞不

相宜人卽長厚難任彈奏且憲司事亦至難官要得宜者
舊書文宗紀下開成二年六月丁巳以給事中李翊爲
湖南觀察使 元稹李翊監察御史制畧云前監察御史
裏行李翊文學周敏操行端方執喪有聞俯以就制復爾
故秩勉修乃誠可行監察御史元微之文集四十七 參攷諸書李
翊李翊疑卽一人

李貺

新書宗室世系表雍王房宗正少卿漢子貺不詳歷官 舊書
李漢傳子貺亦登進士第 重修承旨學士壁記李貺大
中十二年十二月二十四日自權知右拾遺內供奉充十

四年五月十二日召對賜緋加右補闕十月二十六日召對賜紫咸通二年三月十一日加左補闕依前充三年二月二十日加職方員外郎知制誥充九月十四日守本官

出院

翰苑羣書上

舊書懿宗紀咸通十三年五月辛巳敕貶

給事中李貺蘄州刺史于琮之親黨也為韋保衡所逐

玉泉子咸通中韋保衡路巖作相除不附己者十司戶李

貺勤州

南部新書癸誤張瀆

舊僖宗紀乾符二年十月以秘書少

監李貺為諫議大夫

韋鎮

新書宰相世系表韋氏鄭公房端子縝

不詳歷官

舊書文宗

紀下開成元年正月丁未以祕書監韋縝爲工部尙書

劉禹錫傷韋賓客縝詩自注自工部尙書除賓客韋公八十餘位至六

尙書五福惟無富一生誰得如桂枝攀最久蘭省出仍初

海內時流盡何人動素車劉賓客文集三十郁羣老大唐常州

江陰縣興建寺碑銘于郡守韋公縝剛毅公廉仁明愛人

搢紳之徒其從如水頻由台鼎方領此郡用弗擾政慰安

罷民先張刑法以威之次施道德以育之視百姓如同小

子勦兇絕豪護持大梵全唐文七百四十一石刻大唐華州下邽

縣丞京兆韋公夫人墓誌銘哀于前鄉貢進士縝謹撰并

書誌曰有子五人曰縝貞元六年二月 石刻韋紆唐故朝散大夫祕書

省著作郎致仕京兆韋公端 玄堂誌淮夷削平之明年皇帝在宥天下方弘孝理詔百辟父母存有顯擢歿有褒贈時鎮爲工部郎中又云鎮工部郎中

蘇特

元和姓纂

十一模

工部侍郎蘇弁兄冕生特持生循楨

新

書賈餽傳太和九年上巳詔百官會曲江故事京兆尹自門步入揖御史賈餽自矜大不徹扇蓋騎而入御史楊儉蘇特固爭餽曰黃面兒敢爾儉曰公爲御史能嘿嘿耶大夫溫造以聞坐奪俸旣相會李宗閔得罪指儉特爲黨斥去之 舊文宗紀 太和九年七月癸亥貶殿中侍御史

蘇特為潘州司戶 吳興志大中二年五月自陳州刺史

拜除鄭州刺史 南部新書 戊 湖州歲貢黃黿子連帶木

瓜李景先自和牧謫為司馬戲湖守蘇特曰使君貴郡有

三黃黿子五帶木瓜特頗銜之 因話錄 三 蘇少常景盾

登第與堂兄特並時亦士林之美 劉禹錫高陵令劉君

師 遺愛碑渠成之明年 實歷 二年 涇陽三原二邑中又攤其衝

為七堰以折水勢使下流不厚君詣京兆索言之府命從

事蘇特至水濱盡撤不當攤者絲是邑人享其長利 劉賓客文

二 舊五代史 唐書三 蘇循傳父特陳州刺史 新書藝

文志 乙部史錄 蘇特唐代衣冠盛事錄一卷 案石刻天

雜傳記類

寧寺經幢後題大中大夫使持節湖州諸軍事守湖州刺史上柱國蘇特等名鐵橋漫稿云蘇特不見於史惜未之詳考耳

楊頊

唐會要

七十

故國子祭酒贈秘書監楊頊諡貞

吳興志

湖州刺史楊頊正元四年自濮州刺史授遷國子祭酒

統記

云興元元年

舊文苑傳

下

王仲舒與楊頊梁肅裴樞爲忘形

之契

舊書德宗紀

上

建中三年七月以兵部郎中楊真

爲御史中丞京畿觀察使

南都新書

癸

建中元年貶御

史中丞元全柔二年貶中丞楊頊皆四月晦日

二年下有脫文

殷亮顏魯公行狀大厯七年九月公拜湖州刺史以遊客
前大理司直楊昱爲判官委閱簿檢吏接詞政之務於昱
等而境內晏然又云今檢校國子祭酒楊昱自御史中丞
京畿採訪使除爲漢州刺史轉湖州刺史以舊府之恩乘
州人之請紀公遺事刊石立去思碑於州門之外卽今都
官郎中陸長源之詞也又云公之密親懿友重其器悅其
能者今檢校國子祭酒楊公昱顏魯公文集陸贄奉天薦袁
高楊勉已上二人並曾任御史中丞昨蒙宣示中書進擬量移官令臣
審看可否者因晤貶降之輩其中甚有可稱臣以素所諳
知兼聞公議此狀之內僅得十人狀所不該又有三四或

因連累左黜或遭讒忌外遷互有行能咸著名跡寘之清

列皆謂良材若但準例量移及令仍舊出守固非陛下愛

賢之意亦非海內望理之心倘蒙特恩追赴行在試垂訪

接必有可觀

陸宣公集十四全
唐文楊勉作楊頊

劉禹錫唐故監察御史

贈尚書右僕射王公

俊

神道碑娶頌川韓氏主客員外郎

衢之女國子祭酒楊頊之外孫 參考諸書楊頊楊昱楊

頊楊真當卽一人疑本名頊餘俱宋人避神宗諱所改

沈迴

元和姓纂

四十
七寢

沈忌生迴吳興武康縣人

唐會要

七十
六

貞元元年九月賢良方正能直言極諫科沈迴及第 石

刻蜀丞相諸葛忠武侯新廟碑銘山南西道節度行軍司

馬檢按尙書刑部員外郎□□御□沈迴撰貞元十一年陝西沔縣

文苑英華百八十八沈迴省試小苑春望宮池柳色詩一首

張昔黎逢丁案唐詩紀事三十黎逢登大曆十二年進

士沈迴當卽是年進士全唐文小傳未詳考

李瓚

新書宗室世系表下小鄭王房文宗相宗閔子桂管觀察

使瓚字公錫重修承旨學士壁記李瓚咸通四年四月

七日自荆南節度判官檢校禮部員外郎賜緋充翰林學

士其月十日遷右補闕內供奉充九月十八日加駕部員

外郎充十二月二十八日加知制誥五年六月一日改權

知中書舍人出院

翰苑羣書上

舊書李宗閔傳子瓚大中朝

進士擢第令狐綯作相特加獎拔瓚自員外郎知制誥歷

中書舍人翰林學士綯罷相出爲桂管觀察使御軍無政

爲卒所逐貶死

新傳畧同案瓚咸通四年入翰林乾符中任桂管俱在綯罷相後傳誤

新

書僖宗紀乾符四年十二月安南戍兵亂逐桂管觀察使

李瓚

唐語林

六

李瓚故相宗閔之子自桂州失守貶昭

州司戶後量移衛州刺史給事中柳韜疏之復貶韜始與

瓚相善瓚先達而弃韜瓚既重爲所貶性強躁憤且死鄭

舍人穀之父瓚座主也乃爲書曰與穀受恩未穀極苦累

十點筆落而卒

案穀疑作穀鄭薰子見新書鄭畋傳

語林

薛調季

當作李

贊同年進士調美姿貌人號爲生菩薩贊

俊爽人號爲劍調寬恕而贊猜忌論者以時人所稱協其性也

梁令瓚

石刻李林甫等奉勅注御刪定禮記月令表命待□□制

官安定郡別駕梁令瓚等爲之注解 新書馬懷素傳開

元九年以將任郎梁令瓚文學直麗正書院後以右率府

兵曹參軍而罷終恆王府司馬 舊書方伎僧一行傳開

元中敕令率府長史梁令瓚等與工人創造黃道游儀以

考七曜行度互相證明

後山叢談秘閣畫有梁文

誤令瓚

五星二十八宿圖李公麟謂不減吳生婦女疑蜀手也

春明退朝錄

下

秘府書畫予盡得觀之其畫梁令瓚二十

八宿真形圖

褚庭誨

石刻

張九齡

大唐故光祿大夫

行集作

侍中兼吏部尚書

□□□

集作引

學士贈太師□□忠獻公□□

集作裴

公碑銘後

列奉勅檢校模勒使朝議大夫□□議大夫上柱國□庭

誨一行

元和姓纂

入

國子祭酒管國公褚無量生廷誨

給事中錢塘人

唐會要

七十

開元五年文儒異等科褚

庭誨及第 蘇頲贈禮部尙書褚公神道碑次子左拾遺

庭誨

文苑英華八
百九十六

孫逖授褚廷誨給事中制門下朝議

大夫守諫議大夫上柱國褚廷誨師臣舊業官序良才文

儒實百行之資翰墨當一時之妙駁正爲務疇咨所難宜

遷左禁之榮式允中朝之望可守給事中散官勳如故

文苑

英華三百
八十一

案當從石刻作庭誨

武少儀

舊書德宗本紀

下

貞元十一年正月乙未以衛尉少卿武

少儀爲邕管經畧使

舊書

南蠻

南詔蠻傳元和四年正月

以太常少卿武少儀充弔祭異牟尋使

舊書于頔傳元

和八年春詔御史中丞薛存誠刑部侍郎王播大理卿武少儀爲三司使按問于敏 新書
上宦者 竇文場傳德宗晚節聞民間訛語禁中事而北軍捕太學生何竦曹壽繫訊人情大懼司業武少儀上書有如罪不測願明示四方俄得釋 武少儀見全唐文小傳未詳考

盧頊

新書王虔休傳澤潞節度李抱真之喪軍司馬元誼據洛州叛虔休遣將李廷芝討之戰長橋斬級數百次雞澤又破之守戍皆奔魏博卽決水灌城將壞遣掌書記盧頊入見誼陳利害誼請朝卽以頊爲洛州別駕使守洛誼出亦

奔魏 新書宰相世系表上三盧氏第二房檢校郎中政子

璠不詳璠弟瑱澤州刺史 通幽錄貞元六年十月范陽

盧瑱家於錢唐妻弘農楊氏其姑王氏早歲出家隸邑之

安養寺瑱宅於寺之北里家貧假食於郡內郭西堰去宅

數十步又云盧瑱秉志剛直太平廣記三百四十

杭州刺史考

武德雙士恪 乾道臨安志三雙士恪右口口衛咸淳志右武衛

大將軍定相二州總管杭州刺史呂國公天水郡人見元

和姓新書高祖紀武德五年九月壬寅定州總管雙

士洛疑敗突厥於恆山之陽 咸淳志歲月事蹟無考

楊令矩

乾道志三楊行矩蔡州總管杭州刺史上

蔡人

見元和姓纂案今本姓纂缺

咸淳志歲月事蹟無考

史令卿

咸淳志歲月事蹟無考

貞觀

柳楚賢

舊書柳沖傳父楚賢貞觀中累遷光祿少卿

交桂二州都督皆有能名卒於杭州刺史

新傳同

新書

宰相世系表東眷柳氏慶孫子楚賢光祿少卿杭州刺

史

薛萬徹

舊書本傳貞觀十八年授左衛將軍尚丹陽

公主拜駙馬都尉尋遷右衛大將軍轉杭州刺史遷代

州都督

潘求仁

補

元和姓纂

二十卷

潘子義隋尚書右丞孫求仁

唐屯田郎中杭州刺史廣宗人

元神威

補

元和姓纂

二十卷

梁州刺史元願達生神威杭

州刺史

獨孤義順

補

新書宰相世系表

五

獨孤氏隋淮州刺史

武安公子佳子義順字偉悌虞杭簡三州刺史洛南郡

公

案新書地理志義寧元年置安邑郡武德元年日虞州貞觀十七年州廢又簡州武德三年置義順刺杭

當在武德貞觀間

延載

崔元獎

新書宰相世系表清河大房崔氏太子洗馬

世濟子元獎吏部侍郎杭州刺史

咸淳志歲月事蹟

無考

李白挹 新書宰相世系表趙郡李氏西祖房右司郎

中公淹子自挹杭州刺史 咸淳志歲月事蹟無考

志誤

士挹

中裴惓 新書宰相世系表中眷裴氏中書舍人元武公

義宏子蜷字翁喜杭州刺史 金石錄

目錄五

杭州刺史

裴惓碑族子子餘撰

開元三年九月

宋璟 舊書本傳中宗時自檢校貝州刺史爲武三思

所擠又歷杭相二州刺史中宗晏駕拜洛州刺史 顏

魯公文集

四

中宗時兼貝州刺史俄而眞拜轉杭州又

遷相州尋入爲浴州刺史

開元劉幽求資治通鑑唐紀二開元三年十一月劉幽求

三年自杭州刺史徙郴州刺史舊書本傳自睦州刺史歲

餘稍遷杭州刺史三年轉桂陽郡刺史

薛瑩新書宰相世系表薛氏西祖房待聘子瑩杭州

刺史新褚无量傳母喪詔州刺史薛瑩弔祭

十年皇甫忠補唐會稽太守題名記開元十年八月自杭州

刺史授越州都督會稽英總集十八元和姓纂十一瀉州刺

史皇甫恠生忠殿中監安定朝那縣人

一十韋湊補文苑英華九百十四韋述唐太原節度使韋湊神道

年碑開元十年自河南尹以屬官時洛陽主簿犯昧有犯出爲杭

州刺史 舊書本傳以公事自河南尹左授杭州刺史

轉汾州刺史

三十 袁仁敬 新書許景先傳開元十三年帝自擇大理少

年 卿袁仁敬爲杭州刺史

崔恂 新書宰相世系表二鄭州崔氏利州刺史玄籍

子恂杭州刺史清河男 咸淳志歲月事蹟無考

李昇期補文苑英華八百六十李華杭州餘杭縣龍泉寺故

大律師碑故李大理昇期崔河南希逸嘗撫本州麾幟

往復律師天寶十三年化滅

崔希逸補同上

盧成務補新書宰相世系表盧氏大房太子詹事廣陽

郡公承泰字齊卿子成務壽杭濮洺魏五州刺史文

苑英華八百三十一梁肅京兆府司錄西廳盧氏世官記盧

成務肇久吏職發於京兆綱紀之任開元初罷錄岐下

軍事實居其任其後作牧于壽于杭于濮于洺于魏繼

受玄社以處太原

杜元志補新書宰相世系表襄陽杜氏邛州司馬敬則

子元志考功郎中杭州刺史新書藝文志丁部杜元

志集十卷字道寧開元考功郎中杭州刺史

李良

補

李太白文集八十有與從姪杭州刺史良遊天竺

寺詩

陸彥恭

新書宰相世系表陸氏豫章尉元之子武后

相元方弟彥恭杭州刺史

虞集開元宮碑杭故有開

元宮唐開元中刺史陸彥恭用詔書所作

李構

新書宰相世系表蔣王惲曾孫襲潯陽公右武

衛將軍森子構杭州刺史

張守信

補

唐會稽太守題名記天寶七年自杭州刺史

天寶六載

授越州都督

會稽掾英總集十八

石刻源少良等題名監察御

史源少良陝縣尉陽陵此郡太守張守信天寶六載正

月二十三日同遊

下天竺摩崖

九載

李處祐

補

唐會稽太守題名記天寶九年自杭州太守

授十口年致仕

會稽掾英總集十八

李力牧

新書宰相世系表漢中李氏高宗相安期孫

宗墨子力牧餘杭太守

咸淳志歲月事蹟無考

薛自勉

咸淳志歲月事蹟無考

嚴損之

補

毘陵集一墓誌銘

至德

劉晏

舊書本傳遷度支郎中杭隴華三州刺史

咸淳志誤

元謝

載晏

元載

補

李華杭州刺史廳壁記

載二崔渙 新書宰相世系表至德二載八月甲申門下侍

郎同中書門下平章事江南宣慰使崔渙罷爲左散騎

常侍兼餘杭郡太守 文苑英華九百三十六 穆員相國崔

公墓誌銘白左常侍領杭州刺史俄轉常州徵拜祕書

監太子賓客大理卿

乾元楊慧補吳興統記乾元二年遷杭州刺史慧一作惠吳興

元志楊慧至德元年自奉元
年縣令授免官與統紀異

三
年侯令儀 舊書本紀乾元三年正月以杭州刺史侯令

儀爲昇州刺史充浙江西道節度兼江寧軍使

賀若察補毘陵集七吏部郎中廳壁記歲在乙巳河南

賀若公實蒞厥位往歲公爲員外郎也東曹朗然如得
水鏡治餘杭也吳人熙熙若逢陽春案乙巳永泰元年
据壁記察當自吏
部員外郎出爲杭州刺
史自刺史入爲郎中也 劉隨州文集 八奉送賀若郎
中賊退後之杭州詩江上初收戰馬塵鶯聲柳色待行
春雙旌誰道來何晚萬井如今有幾人

盧幼平

補

新書宰相世系表

三

大房盧氏暄子湮杭州

刺史湮弟幼平太子賓客

案湮刺杭未詳何年壁記亦
不云兄弟繼守是州疑有誤

李華杭州刺史廳壁記詔以兵部郎中范陽盧公幼

平爲之又云未逾三月降者遷忠義歸者喜生育

末題
永泰

元年七月
二十五日

吳興志寶應三年自杭州刺史授湖州刺

史統記云永泰元年

案寶應無三年

廣德

張伯儀

李華杭州開元寺新塔碑廣德三年三月西

三年

塔壞太常卿兼杭州刺史張公伯儀忠簡帝心威靜吳

越

文苑英華八百六十

舊書代宗紀大厯二年七月以杭州刺

史張伯儀爲安南都護

相里造

毘陵集

十二

祭相里造文江人杭人頌德不暇

洛表耆老奚公而蘇

結銜稱河南少尹贈禮部侍郎蓋自杭州遷杭自杭遷河南少尹也

劉隨州文集一朱放自杭州與故相使君立碑回因以

奉簡吏部楊侍郎製文

白居易冷泉亭記先是領郡

者有相里尹造作虛白亭

咸淳志歲月事蹟無考

僅云

相里君

大厯杜濟 舊書代宗紀八年五月乙酉貶京兆尹杜濟杭

州刺史坐典選也 顏魯公文集 八京兆尹御史中丞

梓遂杭三州刺史劍南東川節度使杜公神道碑銘自

京兆尹出爲杭州刺史不逾周歲風化大行不幸感疾

卒 又十京兆尹兼中丞杭州刺史劍南東川節度使

杜公墓誌銘自京兆尹出爲杭州刺史公務清簡庭落

若無吏焉不幸感風疾以大曆十二年薨於常州

建中元全柔 舊書德宗紀上建中元年四月壬戌以御史

中丞元全柔爲杭州刺史 二年九月戊辰以杭州刺

年二 史元全柔爲黔中經畧招討觀察等使

李泌 舊書本傳自檢校御史中丞充澧朗硤團練使
無幾改杭州刺史以理稱興元初徵赴行在授左散騎
常侍

房孺復 舊書本傳德宗時自浙西節度韓滉幕累拜
杭州刺史坐妻杖殺侍兒貶連州司馬

貞元 王顏 乾道志 三 王顏貞元六年爲杭州刺史見國一

年六 禪師塔銘 文苑英華 五百四 追樹十八代祖晉司空

太原王公神道碑銘孱孫顏由進士官厯臺省除洛陽
令移典杭州入大理少卿拜御史中丞

年八于邵 舊書本傳貞元八年自太子賓客出爲杭州刺

史以疾請告坐貶衢州別駕

三十李錡 吳興志貞元十三年四月自杭州刺史授湖州

年刺史統記作十二年

殷亮 權載之文集二十叔父故朝散郎華州司士參

軍府君隸墓誌銘夫人陳郡殷氏故給事中杭州刺史

亮其兄也貞元九年咸淳志歲月事蹟無考

賈全 唐語林六貞元中賈全爲杭州于西湖造亭爲

賈公亭未五六十廢

十二韓皋 舊書順宗紀貞元二十一年四月戊辰以杭州

一刺史韓臯爲尙書右丞實錄作五月己巳舊書本傳貞元十

四年自京兆尹貶撫州司馬員外置同正員無幾移杭州刺史遷尙書右丞新傳同

蘇弁舊本傳弁與韓臯得起爲刺史授滁州轉杭州

永貞張綱咸淳志引餘杭志張綱永正初爲守奏置餘杭

倉宇四十二間築倉城周回四里

元和杜陟咸淳志十元初郡守杜陟請慧琳於永福寺初登壇

三裴常棣淳祐志定業院唐元和元年刺史裴常棣建

咸淳志元和三年刺史裴常棣請慧琳臨天竺登壇

新書宰相世系表南來吳裴氏太子中允春卿孫常棣

杭州刺史

陸則 咸淳志歲月事蹟無考

杜信 新書宰相世系表襄陽杜氏杭州刺史元志子

見上信字立言刑部員外郎杭州刺史 咸淳志歲月事

蹟無考

封亮 新書宰相世系表封氏希夷子亮司封員外郎

杭州刺史 咸淳志歲月事蹟無考

入年盧元輔 舊書本傳字子望進士擢第再遷左司員外

郎歷杭常絳三州刺史 白氏文集五十盧元輔杭州

刺史制河南縣令盧元輔 唐文粹六十 胥山銘元和

十年冬十月朝散大夫使持節杭州諸軍事杭州刺史

上柱國盧元輔視事三載塵天子書云云 白居易冷

泉亭記有盧給事元輔作見山亭

二十嚴休復 元微之文集五十 永福寺石壁法華經記元

和十二年嚴休復爲杭州刺史又云杭州刺史吏部郎

中嚴休復

五十元蕝 元微之文集四十 元蕝 宋本與文苑英 杭州刺

史等制勅朝散大夫守饒州刺史元蕝等自天子至于

侯甸男邦大小之勢不同子育黎元其揆一也是以郎

官出宰百里牧守入爲三公此所以前代稱理古也近俗偷末倒置是非省寺以地望自高郡縣以勢卑自劣盤牙不解稂莠不除此比有之患由此起今餘杭鍾離新安順政三有財用一鄰戎狄將有所投每難其人以莧之理課甄明以弘度之奏議詳允以玄亮之學古從政僉命爲邦庶可勝殘而去殺矣敬奉詔條用慰煢獨可依前件

案新安志九續定命錄並云元和十五年崔元亮自密州刺史遷歙州刺史則黃遷杭州

亦當在是年

困學記聞十柳子厚荅元饒州論春秋又論

政理按鄱陽志元璵也艾軒策問以爲元次山次山不

與子厚同時亦未嘗爲饒州

今本艾軒集無此策問

長慶白居易 舊書穆宗紀長慶二年七月壬寅出中書舍

年二人白居易爲杭州刺史 舊書本傳秩滿除太子左庶

年三子分司東都 白氏文集二十除官赴闕留贈微之去

年四年十月半君來過浙東今年五月盡我發向關中

李幼公 西天目祖山志 三自太府卿授 新書宰相

世系表隴西李氏姑臧大房肅宗相揆子幼公杭州刺

史 咸淳志歲月事蹟無考 又談分李幼李

崔鄩 西天目祖山志 三自刑部郎中授 咸淳志歲

月事蹟無考

路異 西天目祖山志 三自刑部郎中授 咸淳志歲

月事蹟無考

大和裴弘泰補劉賓客文集七十汝州舉裴大夫自代狀稱正

年八議大夫使持節杭州諸軍事守杭州刺史上柱國賜紫

金魚袋裴弘泰前爲九卿出領兩鎮頃因微累遂有左

遷令授遠州物情未塞臣前任鄰接具知公才舊屈未

伸輒舉自代云云曹禹錫傳大和中自蘇州刺史秩滿入朝授汝州刺史不詳年月次姑蘇

志二劉禹錫太和五年冬除六年二月六日到任八年

移汝州則弘泰除杭州亦在是時舊文宗紀下大和

五年三月辛酉以黔中觀察使裴弘泰爲桂管經略使

十二月甲申貶新除桂管觀察使裴宏泰爲饒州刺史

以除鎮淹程不進爲憲司所糾

故也所云兩鎮卽指黔中桂管

寶姚合補讀書志十清塞詩

開成 李宗閔 舊書文宗紀開成三年二月丁酉以衡州司

三馬李宗閔爲杭州刺史四年十二月以杭州刺史李宗

閔爲太子賓客分司東都舊傳

五裴夷直 資治通鑑唐紀六 故事新天子卽位兩省官

會同署名武宗卽位諫議大夫裴夷直漏名十一月出爲

元杭州刺史 新傳武宗立夷直視冊牒不肯署出爲杭

州刺史 舊武宗紀開成五年八月御史中丞裴夷直

爲杭州刺史坐知樞密劉弘逸薛季稜黨也會昌元年

三月貶杭州刺史裴夷直驩州司戶

五李播補 樊川文集九 唐故進士龔輅墓誌會昌五年十

六年二月某自秋浦守桐廬路由錢塘時刺史趙郡李播

未詳蕭憲補唐語林七方干貌陋唇缺味嗜魚鮮性多譏戲

時蕭中丞典杭軍倅吳傑患眸子赤會宴於城樓飲促召

附武傑傑至目為風掠不堪其苦憲笑命近座女伶裂紅巾

宗朝方寸帖臉以障風

大中杜勝補雪溪友議六杜勝給事在杭州後為度支侍郎

出鎮天平案東觀漢記上杜勝任刑部員外上面授給事中据資治通鑑在大中二年十二月則為

杭州當在宣宗時

二十李遠九國志二李濤傳祖遠唐杭州刺史趙郡人

年資治通鑑二百四十九大中十二年十月令狐綯擬李遠杭

州刺史

崔涓

補

新書崔瑛傳子涓性開敏爲杭州刺史受署未

盡識卒史乃以紙各署姓名傳檄上過前一閱後數百人呼指無誤終御史大夫

咸通崔彥曾

新書地理志咸通二年刺史崔彥曾開錢塘

二沙河塘

未詳盧潯

補

羅隱陳先生集後序甲申春告予以婚嫁之牽

時代制東歸青門摻執之後余亦東遊逮大梁時故杭州盧

附咸員外潯在幕齋其文軸謂余曰陳君罷而東豈期斯文

末通之終窒乎子東及之爲我歸其文而激其來余至維揚

及歸其文遘其言相懽月而後別曰爲我謝范陽公龍

門之役不復顧矣

案甲申爲咸通五年

宋震

補

禪月集

四十

寄杭州靈隱寺宋震使君詩有云罷

郡歸侵夏仍聞靈運居

嚴陵集

二貫休寄杭州宋使

君詩注公初罷睦州

集無

令狐繻

補

禪月集

九

上杭州令狐使君詩

神仙感遇

傳錢道士初從杭州太守令狐繻至京師

當在懿宗朝

李邕

補

資治通鑑

唐紀七十六

乾亨二年二月董昌卽皇帝

位以前杭州刺史李邕爲相

光裴覺

補

萬姓統譜

五十

長安人光啟中爲杭州刺史屬董

昌作亂兵興道阻覺遂留家於杭

董昌 咸淳志

昭宗錢鏐 咸淳志

以下裴有敞補定命錄唐杭州刺史裴有敞疾甚令錢唐縣

不知主簿夏榮看之太平廣記一百四十九

代時韋貲補元和姓纂八韋氏鄭公房韋貲虞部郎中杭州

刺史

宋楚璧補元和姓纂二遂安令宋元恭生楚璧兵部郎

中杭州刺史廣平人

鄧溫補元和姓纂四刑部尚書淮陽子鄧憚疑生溫

杭州刺史南陽人

裴珏

補

新書宰相世系表南來吳裴氏河南府司錄參

軍克子珏杭州刺史

劉暹

補

新書宰相世系表曹州南華劉氏武功丞知晦

子暹字士昭杭州刺史

讀書雜誌卷第七

終

勞檢校字